



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

8. Carolus Magnus Rex Francorum, pòst Imperator, eamdem S. Maximini
Abbatiam in protectionem suscipit; petente VVerinolfo Abate, circa an.
790.

urn:nbn:de:hbz:466:1-10903

C A P V T V I I I .

*Carolus Magnus Rex Francorum, post Imperator, Treuerensem S.
Maximini Abbatiam in protectionem suscipit, petente
Werinolfo Abate.*

IN nomine Patris & Filij & Spiritus Sancti. Notum sit omnibus in Christum fideliter credentibus Regibus, Episcopis, Ducibus, quod ego KAROLVS, gratia Dei Rex Francorum, Longobardorum, ac Partricius Romanorum, pro remedio animæ meæ atque stabilitate regni nostri, Sanctorum monasteria, sub meo regimine constituta, taliter volo, per successiones temporum, manere illæsa, qualiter per antecessoris mei priuilegia inueni esse firmata.

Proinde, quia Abbatiam S. MAXIMINI, in priuilegio mei genitoris PIPPINI, sub ipsius mundiburdio constitutam repperi, ego quoque delibero testamentum facere, per quod ipse locus, ad quem monachi ibi conuersantes, sub nostra defensione, cum quiete valeant vivere, & orationi vacare.

Quapropter WERINOLFO Abati de eodem monasterio supradicti confessoris Christi, quod est constructum Treueris, atque dedicatum in honore S. Ioannis Apostoli & Euangelistæ, monachisque in eodem loco Christo famulantibus regali auctoritate seu potestate concedimus, ut habeant, in sæcula post nos futura, liberam potestatem eligendi Abbatem inter ipsos monachos. Si autem ibi non potest inueniri, elegant sibi, ubi voluerint.

Insuper nostra præceptione constituimus, atque inconuulsè firmamus, ut nullus Regum nobis succedentium, vel alia persona aliqua contra eundem locum vel monachos, in tota Abbatia, ullam potestatem exercere præsumat: nec telonium vsquam à nauibus eorum exigat, seu placitum teneat, sine iussione & petitione Abbatis: sed securè & cum pace maneat locus ille, sub nostro & successorum nostrorum mundiburdio.

Et ut istius chartæ auctoritas firmiter per tempora habeatur, nostra manus signaculis eam affirmare decreuimus, & annulo nostro firmari iussimus.

Data

Data mense Augusto anno X..... regni nostri. Acta PADRE-BVRNA, fisco nostro super.....
Signum KAROLI gloriosissimi Regis.

N O T A T I O.

PADRE-BVRNA) seu Paderborna, vrbis est episcopalis Westphaliz: cuius loci Episcopatum Carolus Magnus institutum curauit ac dotauit.

C A P V T I X.

Ludouicus Pius Imp. immunitatis priuilegia, per patrem suum Carolum Magnum Blandiniensi monasterio, prope Gandavum, concessa, an. 815. confirmat, petente Amando Abate.

IN nomine Patris & Filij & Spiritus Sancti, LUDOVICVS diuina prouidentia Imperator Augustus. Si erga loca diuinis cultibus mancipata, propter amorem Dei, eisque in eisdem locis sibi famulantibus beneficia oportuna largimur, præmium nobis apud Dominum æternæ remunerationis rependi non diffidimus.

Proinde nouerit omnium fidelium nostrorum, tam præsentium quam futurorum solertia, quia vir venerabilis Abba AMANDVS, ex monasterio BLANDINIO, quod est constitutum in honore SS. Apostolorum Petri & Pauli, quod est situm in pago Gandensi super flumen Scaldim, obtulit obtutibus nostris immunitatem Domini & genitoris nostri KAROLI bona memorie piissimi Augusti.

In qua inuenimus insertum, qualiter idem genitor noster & antecessores Reges præfatum monasterium, propter diuinum amorem & reuerentiam diuni cultus, semper sub plenissima defensione & immunitatis tuitione habuissent: ob firmitatem tamen rei postulauit nos prædictus Amandus Abba, ut eandem auctoritatem, ob amorem Dei & reuerentiam SS. Apostolorum Petri & Pauli, nostra quoque confirmaremus auctoritate.

Cuius petitioni libenter acquieuimus, & hoc nostræ auctoritatis præceptum erga ipsum monasterium fieri iussimus: per quod iussimus atque præcepimus, ut nullus fidelium nostrorum, vel quilibet

ex